



Na osnovu člana 64. stav (1) tačka b) i člana 70. Zakona o javnim nabavkama („Službeni glasnik Bosne i Hercegovine" broj 39/14) i člana 18. Poslovnika Centralne izborne komisije Bosne i Hercegovine („Službeni glasnik BiH br. 50/07, 33/09, 24/13 i 32/14), na preporuku Komisije za javnu nabavku od 03.01.2019. godine, Centralna izborna komisija Bosne i Hercegovine je na 1. sjednici održanoj 04.01.2019. godine, donijela

ODLUKU **o izboru najpovoljnijeg ponuđača**

(1) Okvirni sporazum o nabavci usluga poštanske dostave izbornog materijala na adrese biračima u inostranstvu za glasanje na prijevremenim izborima dodjeljuje se ponuđaču „JP BH POŠTA“ d.o.o. Sarajevo, Obala Kulina Bana br. 8., 71 000 Sarajevo.

(2) Ocjenjeno je da je ponuda ponuđača iz stava 1. ove odluke u skladu sa kriterijima i specifikacijom utvrđenim u tenderskoj dokumentaciji i da ponuđena cijena **u iznosu od 101.025,00 KM bez PDV je u okviru iznosa sredstava osiguranih za predmetnu nabavku.**

(3) Ponuđaču iz stava 1. ove odluke, će biti dodjeljen **okvirni sporazum na period do dvije (2) godine** u skladu sa elementima iz Ponude, uslovima i kriterijima utvrđenim u tenderskoj dokumentaciji.

(4) Ova odluka stupa na snagu danom donošenja.

O b r a z l o ž e n j e

Postupak javne nabavke **usluga poštanske dostave izbornog materijala na adrese biračima u inostranstvu za glasanje na prijevremenim izborima** proveden je putem pregovaračkog postupka bez objavljivanja obavještenja o nabavci broj: 07-2-16-3-1523-1/18 od 20.12.2018. godine koji je objavljen na web stranici Centralne izborne komisije BiH 20.12.2018. godine i isti upućen na adrese tri poštanska operatera u Bosni i Hercegovini „JP BH Pošta“ d.o.o. Sarajevo, „Pošte Srpske“ a.d. Banja Luka i „Hrvatska pošta“ d.o.o. Mostar.

Komisija za javne nabavke imenovana Odlukom broj: 07-2-16-3-1523-2/18 od 20.12.2018. godine izvršila je pregled i ocjenu početne ponude dostavljenu od strane samo jednog ponuđača „JP BH Pošta“ d.o.o. Sarajevo. Nakon što je ocjenjeno da je ovaj ponuđač kvalificiran obavljani su pregovori 26.12.2018. godine, nakon čega je ovaj ponuđač pozvan da dostavi konačnu cijenu ponude. Komisija je sačinila Zapisnik o pregledu i ocjeni početne i konačne ponude u provedenom pregovaračkom postupku bez objavljivanja obavještenja o nabavci broj: 07-2-16-3-1523-11/18 od 03.01.2019. godine, koji je sastavni dio ove odluke, u kome je konstatovala i uputila preporuku Centralnoj izbornoj komisiji Bosne i Hercegovine za izbor ponude ponuđača „JP BH Pošta“ d.o.o. Sarajevo i zaključenje okvirnog sporazuma na period do dvije (2) godine za **nabavku usluga poštanske dostave izbornog materijala na adrese biračima u inostranstvu za glasanje na prijevremenim izborima**, jer je ponuda u skladu sa kriterijima i specifikacijom utvrđenim u tenderskoj dokumentaciji i ponuđena cijena nabavke u iznosu **od 101.025,00 KM bez PDV** (ponuđač nije PDV obveznik) je u okviru osiguranih sredstava za predmetnu nabavku.

Uzimajući u obzir navedeno, odlučeno je kao u dispozitivu ove odluke.

Pouka o pravnom lijeku

Žalba se izjavljuje Centralnoj izbornoj komisiji BiH u pisanoj formi u tri primjerka neposredno ili preporučenom poštanskom pošiljkom u roku od deset (10) dana od dana prijema ove odluke.

Broj: 07-2-16-3-1523-13/18
Sarajevo, 04.01.2019.2019. godine

Dostavljeno:

1. Ponuđaču
2. Odsjeku za materijalno finansijske poslove
3. Na internet stranicu CIK BiH www.izbori.ba
4. A/a



Zamjenjuje Predsjednika
Dr. Irena Hadžiabdić